

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

Quòd qui Tanaim incolunt, eodem tempore Christi fidem amplexati sunt &
de terræ quassationibus quæ per Græciam & Achiam euenerunt. Caput
XXII.

urn:nbn:de:hbz:466:1-12718

ECCLESIAST. LIB. IIII. 285293

Abasgos ædificato, Sacerdotes illis designauit: à quibus Christianæ religionis dogmata accuratissimè didicerunt.

Quod qui Tanaim incolunt, eodem tempore Christi fidem amplexati sunt, & de terræ quassationibus quæ per Græciam & Achaiam euenerunt.

Caput XXII.

EST porrò ab eodem historico scriptis mā datum, eos qui circiter Tanain habitat (Tanain autem appellant indigenæ amnem illum, qui ex Meotide Palude in Pontum Euxinum influit) orasse Iustinianum, uti episcopum ad ipsos mitteret. Iustinianum autem diligenter, quod erat ab illis rogatum, perfecisse, libentissimoque animo ad eos misisse episcopum. Idem author docet, idque valde difserit, Gothos, regnante Iustiniano, ex Mæotide in fines Romanorum excursiones fecisse: ingentesque terræmotus accidisse in Græcia, Bœotiam quoque, Achaiam, & loca circa sinum Crissæum cōcussa, regiones infinitas vastatas, vrbes ad terram deturbatas, & hiatus multis in locis contigisse, qui in vnu denuo in aliquibus locis coiuere: in nonnullis locis, aperti mansere.

De Narsa Ductore exercitus, & eius erga
Deum pietate.

Caput XXIII.

Scribit etiam Procopius expeditionem Narsis ducis à Iustiniano in Italiam missi, & qua ratione Totilam devicerit, & postea Tejam, & quemadmodum Roma iam quintò capta fuerit. Commemoratum est porrò ab his, qui vna cum Narse fuerunt, dum precibus & alijs pietatis officijs diuinum numen placaret, debitumque cultum ei tribueret, sanctam virginem Deiparam ei apparuisse, planeq; tempus præscripsisse, quo bellum cū hostibus gereret: atq; vt nō prius ad prelium committendum se accingeret, quam cœlitus signum acciperet. Multæ aliae quoque res à Narse valde memorabiles gestæ sunt. Nam Buselinum, & Syndalum expugnauit, multaque loca ad Oceanum usque, in suam redegit potestatem. Quæ res sunt quidem ab Agathio rhetore literis prodite, nō dū tamē ad nos peruenérūt.

Quod